



# REGLUGERÐ

## Um aganefnd

### 1. gr.

Stjórn ÍHÍ skipar aganefnd. Nefndin skal skipuð þremur aðilum og tveimur til vara. Nefndina skal skipa innan mánaðar frá Íshokkíþingi.

### 2. gr.

Hlutverk aganefndar er að úrskurða um agabrot, óprúðmannlega eða ámælisverða framkomu leikmanna, forystumanna, féлага, dómara, áhorfenda og annarra er hlut eiga að máli, í öllum opinberum mótum sem fram fara á vegum ÍHÍ. Valdsvið aganefndar tekur einnig til atvika er eiga sér stað fyrir leiki, í leikhléi eða eftir að leik lýkur.

### 3. gr.

Aganefnd byggir úrskurð sinn á leik- og atvikaskýrslum viðkomandi leiks. Þó getur aganefnd einnig tekið fyrir önnur mál er henni berast og hún telur ástæður til. Aganefnd er heimilt að gefa málsaðilum kost á munnlegum eða skriflegum málflutningi ásamt því að leggja fram myndbandsupptök eða önnur sönnunargöng sem skipt geta máli við mat á viðurlögum. Aganefnd skal hafa frjálst sönnunarmat á gögnum þeim er lögð eru fyrir nefndina.

### 4. gr.

Formaður aganefndar boðar fundi eins oft og þurfa þykir í samræmi við þær reglur sem gilda í hverju tilfalli. Aganefnd er heimilt að halda símafund ef allir nefndarmenn eru því samþykkir.

### 5. gr.

Við ákvörðun um viðurlög við brotum skal aganefnd fara eftir lögum og reglugerðum ÍHÍ, dóms- og refsíákvæðum ÍSÍ og eftir atvikum reglum alþjóðasambanda sem ÍHÍ er aðili að.



## **6. gr.**

Úrskurði aganefndar verður ekki áfrýjað.

## **7. gr.**

Úrskurði aganefndar skulu færðir í sérstaka fundargerðarbók. Í úrskurði skal greina glöggst hver hinn brotlegi sé, í hvaða leik / móti brotið átti sér stað og á hvaða forsendum aganefnd byggir úrskurð sinn.

## **8. gr.**

Úrskurð sinn skal aganefnd birta strax að loknum fundi á heimasíðu ÍHÍ ([www.ihí.is](http://www.ihí.is)) Afplánun dóms hefst þegar úrskurður aganefndar hefur verið birtur.

## **9. gr.**

Ef aðili á eftir að taka út refsingu þegar keppnistímabili lýkur, skal hann afplána refsingu í byrjun næsta keppnistímabils, án tillits til þess með hvaða félagi eða flokki hann verður hlutgengur á þeim tíma.

## **10. gr.**

Mál sem berast aganefnd ÍHÍ skulu afgreidd eins fljótt og auðið er. Heimalið leikja bera ábyrgð á því að afrit af leikskýrslu berist til skrifstofu ÍHÍ innan 24 klst. eftir að leik lýkur samkvæmt 3. gr. reglugerðar nr. 10. um leikskýrslur. Úrskurðir aganefndar skulu taka gildi um leið og þeir eru birtir.

## **11. gr.**

Innifeli leikskýrsla sjálfvirka útilokun leikmanns úr næsta leik án þess að mál hans sé meðhöndlað frekar hjá nefndinni er formanni nefndarinnar heimilt að birta úrskurð á heimasíðu ÍHÍ án þess að boða til fundar. Sama gildir ef að um er að ræða uppsafnaða refsingu.

Formaður skal sjá til að slíkar gjörðir séu færðar til bókar í fundargerð næsta fundar aganefndar. Innifeli leikskýrsla sjálfvirka útilokun leikmanns frá keppni þar til mál hans hefur verið tekið fyrir skal formaður aganefndar boða til fundar áður en lágmarksrefsingu er lokið. Úrskurð sinn skal aganefnd birta á heimasíðu ÍHÍ strax að loknum fundi. Það er ábyrgð viðkomandi félaga að kynna sér úrskurði aganefndar.

## **12. gr.**

Við ákvörðun refsinga skal alla jafna miða við alvarleika brotsins og afleiðingar þess, hverjar séu afleiðingar brotsins bæði fyrir þá aðila sem eiga í hlut og hreyfinguna í heild. Við ítrekuð brot er aganefnd heimilt að auka refsingar í samræmi við neðangreint.

- a) Við endurtekið samskonar brot skal tvöfalda þá refsingu sem upphaflega var gefin.



- b) Verði leikmaður uppvís af samskonar broti í þriðja sinn á keppnistímabilinu skal tvöfalda síðasta dóm, eða fjórfalda upphaflega dóm.
- c) Verði leikmaður uppvís af samskonar broti í fjórða sinn á keppnistímabilinu skal tvöfalda síðasta dóm, eða áttfalda upphaflegan dóm.
- d) Við upphaf hvers keppnistímabils skulu allir leikmenn hafa upphafsstöðu gagnvart þessum margföldunar áhrifum.

### **13. gr.**

Aganefnd skal hafa lokið meðhöndlun allra leikskýrslna úr deildarkeppni áður en úrslitakeppni hefst.

### **14. gr.**

Ákveði félag að gefa leik í meistaraflokki skal félagið sektað. Sektir eru eftirfarandi:

- a) Gefi félag leik á eigin heimavelli skal það greiða sekt til ÍHÍ kr. 75.000.-
- b) Gefi félag leik sem telst útileikur þess, skal það borga heimaliði kr. 150.000.- í sekt og einnig kr. 75.000.- í sekt til ÍHÍ.
- c) Gefi félag fleiri en einn leik innan sama tímabils skal sektarupphæð hækka um 25% fyrir hvert skipti frá því sem síðast var greitt innan sama tímabils.

### **15. gr.**

Verði félag uppvíst af að nota leikmann í leikbanni er aganefnd heimilt að sekta viðkomandi félag um allt að 75.000 kr. auk annarra refsíákvæða.

- a) Verði félag uppvíst af því að tefla fram leikmönnum í barnamótum 5; 6. og 7 flokks sem eru eldri en gildandi reglur segja til um skal félagið sektað um kr. 10.000.- fyrir þátttöku hvers leikmanns á mótinu. Heimilt er þó að víkja frá ákvæðinu liggi fyrir skrifleg heimild, hjá ÍHÍ frá öðrum þátttökufélögum, fyrir mótið.
- b) Verði félag uppvíst að því að tefla fram leikmönnum sem teljast „Leikmaður undir aldri“ án þess að skriflegri yfirlýsingu sé framvísað sbr. reglugerð nr. 13 um Íslandsmótið í íshökkí skal:
  - 1. Við fyrsta brot félaginu gefin formleg aðvörðun með tölvupósti.
  - 2. Félagið sektað um kr. 10.000.- fyrir hvern leikmann sem spilar leik án þess að yfirlýsingin liggi fyrir. Heimilt er að sekta allt að fjórar vikur aftur í tímenn.

### **16. gr.**

Aganefnd getur sektað félag eða svipt það heimaleik ef áhangendur þess valda truflun sem beinist gegn leikmönnum liða, starfsmönnum eða dómurum leiksins.



### **17. gr.**

Ef félag sem á heimaleik hefur ekki tiltækan nægan fjölda starfsmanna við upphaf leiks er aganefnd heimilt að sekta félagið eða svipta það heimaleik.

### **18. gr.**

Verði félag, leikmenn eða aðrir forráðamenn uppvísir að einelti eða ofbeldi, hvort sem það er andlegt, líkamlegt eða kynferðislegt er aganefnd heimilt að beita viðkomandi félag sektarákvæðum og öðrum þeim aðgerðum sem henta þykja til þess að uppræta viðkomandi hegðun.

### **19. gr.**

Stjórn eða framkvæmdastjóra ÍHÍ er heimilt að vísa til úrskurðar aganefndar atvikum sem skaðað geta ímynd íshokkí hreyfingarinnar eða þeirra sem að taka þátt í leiknum. Slík atvik hafa þá ekki komið fram í atvikaskýrslu dómara eða eftirlitsmanns á kappleikjum en geta verið hvers kyns ósæmileg framkoma á leikstað eða á annan hátt opinberlega. Félag viðkomandi einstaklings er ábyrgt fyrir sektargreiðslu vegna viðkomandi atviks.

Framkvæmdastjóri / stjórn skal skila greinargerð til aganefndar ásamt gögnum máli sínu til staðfestingar sem málsaðilar skulu fá afrit af. Málsaðilum skal gefin kostur á að skila skriflegri greinargerð fyrir næsta fund aganefndar.

*Samþykkt á Íshokkíþingi, 11. maí 2019.*